

VENDIM
Nr.337, datë 20.5.2005

PËR NDRYSHIMIN E PËRGJEGJËSISË SË ADMINISTRIMIT TË MJEDISEVE TË ISH-KAMPINGUT PËR TË ARDHURIT NGA KOSOVA, NË SHEQ TË VOGËL, FIER, NGA MINISTRIA E BUJQËSISË DHE E USHQIMIT TE MINISTRIA E DREJTËSISË

Në mbështetje të nenit 100 të Kushtetutës dhe të neneve 13 e 15, shkronja “c”, të ligjit nr.8743, datë 22.2.2001 “Për pronat e paluajtshme të shtetit”, me propozimin e Ministrit të Drejtësisë dhe të Ministrit të Bujqësisë dhe të Ushqimit, Këshilli i Ministrave

VENDOSI:

1. Mjediset e objektit “Ish-kampingu për të ardhurit nga Kosova, Sheq i Vogël, Fier”, me sipërfaqe 10.5 ha, me numër kadastral a-1, të kalojnë në përgjegjësi administrimi nga Ministria e Bujqësisë dhe e Ushqimit te Ministria e Drejtësisë, për t’u përdorur për sistemin e paraburgimit.

2. Ngarkohen Ministri i Drejtësisë, Ministri i Bujqësisë dhe i Ushqimit, Ministri i Pushtetit Vendor dhe i Decentralizimit dhe kryeregjistruesi i Pasurive të Paluajtshme të Republikës së Shqipërisë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano